

27. Marts. 2019

UPA2019/213

Uunga siunnersuut: Sanaartukkat innaallagissamut sakkortuumut atugassat atortullu innaallagiatortut pillugit inatsisartut peqqussutaata allanngortinneqarnissaa pillugu inatsisartut inatsisaat nr. Xx, xx. xxx 2019-imeersoq. Forslag til: Inatsisartutlov nr. xx af xx. xxx 2019 om ændring af landstingsforordning om elektriske stærkstrømsanlæg og elektrisk materiel.
(Inuussutissarsiornermut Nukissiuuteqarnermullu Naalakkersuisoq / Naalakkersuisoq for Erhverv og Energi)

Siumumiit Naalakkersuisut peqqussummut uunga: ” **Sanaartukkat innaallagiss-amut atugassat, innaallagissamut ikkussuinerit aamma atortut innaallagiatortut pillugit Inatsisartut peqqussutaat nr 12, 3. november 1994-meersoq** ” allannguutissamik siunnersuuteqarnerat qujassutigaarput imatullu oqaaseqarfigerusullugu.

Siumup pingaartilluinnarpaa nunatsinni nunarsuullumi sinnerani sanaartornermi ineriartorneq malillugu nunatta sanaartornermi atortutigut piumasaqaatini ineriartornermik malinnaajuarnissaa, minnerunngitsumillu piumasaqaatinut nakkutilliinermi arlaanaanulluunniit attuumassuseqanngitsumik nakkutilliisunik peqarnissaa. Tassami pingaaruteqartuaanartussaavoq nunatta nunatut siunissami siuarsimasutut tatiginartutullu inissisimasutut nunanit allanit isigineqartuarnissaa.

Ilisimavarput sarfap qanoq ullutsinni atugaatiginera aammalu qanoq kukkusumik suliarineqaruni atornerqarunilu atuisunut uloriarnartorsiorititsisinnaatiginera, tamannalu pillugu pingaaruteqarpoq peqqussutitigut nakkutilliinikkullu sukannersu-mik aalajangersagaqarnissaq, qulakkeerumallugu sarfamik sanaartortut atuisussallumi isumannaatsumik inissisimajuarnissaat.

Siunnersuut teknikkikkut erseqqissaafiusoq, kiisalumi Innaallagissiornermut oqartussanik pilersitsiffiusoq sanaartornermi ineriartornermut malinnaasumik alloriarnertut Siumumiit isigaarput tamakkiisumillu tapersersorlugu.

Siunnersuummimi aamma ersarissarneqarpoq siunnersuummut attuumassuteqartut tamarmik tusarniaavigineqarsimasut tapersersuisullu, siunnersuummittaaq ersarissumik taaneqarpoq immikkut aningaasalersugassaangitsoq aningaasaliissutillu iluanni ssineqarsinnaasoq.

Taamatut oqaaseqarluta siunnersuut ataatsimiitaliani attuumassuteqarfiusuni sukumiisumik suliarineqarnissaa inassutigaarput.

Simon Simonsen